

第五一二冊

博物彙編

神異典

道觀部

方士部

女冠部

靜功部

(卷)

二六

二三—二五

二五

二五

古今圖書集成

中華書局影印

欽定古今圖書集成博物彙編神異典

第二百八十二卷目錄

道觀部藝文二詩

和鮑常侍龍川館

梁元帝

遊沈道士館

沈約

道館

庾肩吾

遊始興道館

陳陰鏗

和庾肩吾入道館

周弘正

遊匡山簡寂館

張正見

和梁武陵王遙望道館

北周蕭撝

過藏鈴道館

王褒

至老子廟應詔

庾信

入道士館

前人

爲趙法師別造精院過院賦詩

唐元宗

經河上公廟

同前

過老子廟

同前

春日登金華觀

陳子昂

幸白鹿觀應制

李嶠

前題

沈佺期

前題

崔湜

遊清都觀尋沈道士

趙中虛

宿桐柏觀

孟浩然

宴梅道士房

前人

遊精思觀題山房

前人

題太元觀

儲光義

述華清宮

前人

宿無爲觀

元結

尋雍尊師隱居

李白

玉臺觀二首

杜甫

張天師草堂

常建

宴鬱林觀張道士房

錢起

夕遊覆釜山道士觀因登元元廟

前人

宿岸道人精舍

閻防

遊鍾山紫芝觀

耿湣

同題仙遊觀

韓翃

題玉真觀李祕書院

前人

雨夜宿清都觀

韋應物

宿昭應

顧况

題葉道士山房

前人

早上凌霄第六峰入紫谿禮白鶴觀祠

于鵠

經故賀賓客鏡湖道士觀

朱放

題玉真觀公主山池院

司空曙

雲陽觀寄袁稠

李端

過李尊師院

盧綸

登滑山觀

竇參

晚秋陪崔閣老張祕監閣老苗考功同遊昊天觀時楊閣老新直未滿以詩見寄斐然酬和有愧無音

權德輿

和楊二舍人晚秋興崔二舍人張祕監苗考功同遊昊天觀時中書寓直不得陪隨因追往年會與舊僚聯遊此觀紀題在壁已有淪亡書事感懷輒以呈寄兼呈東省三給事之作楊公見

權德輿

感懷輒以呈寄兼呈東省三給事之作楊公見

權德輿

感懷輒以呈寄兼呈東省三給事之作楊公見

權德輿

感懷輒以呈寄兼呈東省三給事之作楊公見

權德輿

徵都辭因以繼和

陳羽

遊洞靈觀

劉禹錫

題茅山仙臺藥院

殷璠

遊王羽士山房

孟郊

西山經靈寶觀

秦系

春題華陽觀

秦系

題茅山李尊師書屋

前人

晚春尋桃源觀

前人

宿道士觀

前人

清都夜境

元稹

同達奚宰遊寶子明仙壇

朱泚

妙樂觀

釋靈一

宿靈洞觀

前人

宿陽臺觀

馬戴

飛泉觀

許渾

宿咸宜觀

前人

遊玉芝觀

李羣玉

遊天柱觀

李郢

宿天壇觀

劉滄

題玉芝雙奉院

顧在鎔

早出洞仙觀

趙嘏

玉泉觀贈高道士

宋張方平

中虛觀

胡宿

豐都觀

馮山

遊白鶴觀

李昭玘

簡寂觀

李綱

題棲真觀三十六韻

前人

遊麻姑觀

周紫芝

簡寂觀

朱熹

題東山道院

徐璣

桐柏觀

趙師秀

崇真觀東軒

趙汝鑑

宿仙山朝元觀題示

元王惲

七真山洞雲觀

程鉅夫

遊集仙宮

盛如梓

招仙觀

何中

洪都靈應觀榜雲徑

前人

費無隱丹室

虞集

王虛觀

明王世貞

老君殿

周震實

前題

沈冕

三元堂二首

孫七政

道觀部紀事

道觀部雜錄

道觀部外編

神異典第二百八十二卷

道觀部藝文二

和鮑常侍龍川館

梁元帝

珍臺接開館追遞山之旁多解三真術俱善四明方

玉題書仙篆金勝燭神光桂影侵檣進藤枝繞檻長

苔文隨滿轉梅氣入風香

遊沈道士館

沈約

秦皇御半宙漢帝恢武功歡娛人事盡情性猶未允
銳意三山上托慕九霄中既表祈年觀復立望仙宮

寧爲心好道直由意無窮曰余知止足是願不須豐
遇可淹留處便欲息微躬山嶂遠重疊竹樹近蒙籠
開襟濯寒水解帶臨清風所累非物外爲念在元蹤
朋來握石髓實至駕輕鴻都令人徑絕惟使雲路通
一舉凌倒景無事適華嵩寄言實心客歲羣爾來同
道館 庚肩吾

遊始興道館

陳陰鏗

紫臺高不極清谿千仞餘壇邊蓬萊鏡洞裏閭仙書
庭舞經乘鶴池遊被控魚稍昏蕙葉欹欲取極花疎
徒教斧柯爛會自不凌虛

和庾肩吾入道館

周弘正

石橋有舊路靈室儼衆仙菊潭滿餘水丹竈起殘烟
桃花經作實海水屢成田逆愁歸舊里追問斧柯年

遊匡山簡寂館

張正見

三梁潤本絕千仞路猶遲即此神山內銀榜映仙宮
鏡似臨峯月流如飲澗虹幽桂無斜影深松有勁風
惟當遠人望知在白雲中

和梁武陵王遙望道館

北周蕭瑀

神境流精闕仙居紫翠房今有尋真地遙遞應龍莊
九柱含虹重三臺飾夜光金輝碧海桃玉笈紫書方
拂筵青鳥集吹簫白鳳翔履歸堪是驚石在詎非半
煙霞四照藥月五名香於茲喜臨眺願得假霓裳

過藏於道館

王褒

松古無年月鶴去復來歸石壁藤爲路山意雲作扉

至老子廟應詔

庾信

虛無推取辦寥廓本乘輿三門臨苦縣九井對靈谿

盛丹須竹節量藥用刀圭石似臨印半芝如封禪泥
氈毛新鶴小盤根古樹低野成孤烟起春山百鳥啼
路有三千別途經七聖迷唯當別關吏直向流沙西
入道士館 前人

金華開八景玉洞上三危雲袍白鶴度風管鳳凰吹
野水縫蕙葉山中葵笋皮何必淮南館淹留攀桂枝

爲趙法師別造精院過院賦詩 唐元宗

秋九月聽政觀風存乎遊息退朝之後歷西上陽
入清虛院則法師所居之地也法師得元元之法
養浩然之氣故法此仙家特建真宇紫房對錦緣
竹羅生既親重其人每經過其地以怡神洗雪進
德修業何必齋心累月遠在順風因而賦詩用適
其意云爾

宗師心物外爲道運虛舟不戀巖泉實來從宮禁遊
探元知幾歲習靜更宜秋燈樹樹朝色風滿聞夜流
坐朝繁聽覽尋勝在清幽欲廣無爲化因茲庶可求

經河上公廟 同前

昔聞有書叟河上獨遺榮跡與塵隔心將道德并
詎以天地累寧爲龍辱驚矯然用寥廓如何屈堅貞
元元妙門啓肅肅祠宇清冥漠無先後那能紀姓名

過老子廟 同前

仙居懷聖德靈廟肅神心草台人蹤斷塵寰鳥跡深
流沙丹竈沒關路紫煙沉獨傷千載後空餘松柏林

春日登金華觀 陳子昂

白玉仙臺古丹丘別望遙山川亂雲日樓樹入煙霄
鶴舞千年樹虹飛百尺橋還疑赤松子天路坐相邀

辛白鹿觀應制

李嶠

駐蹕三天路迴車萬仞紛眞庭羣帝齊洞府百靈棲
玉酒仙壚釀金方暗壁題行看青鳥入還陟紫雲梯

前題

沈佺期

紫鳳眞人府班龍太上家天流芝蓋下山轉桂旗斜
聖藻垂寒露仙杯落晚霞唯應問王母桃作幾時華

前題

崔湜

御旗探紫籙仙仗開丹丘捧藥芝童下焚香桂女雷
鸞歌無歲月鶴語記春秋臣期眞何幸常陪漢武遊

遊清都觀尋沈道士

趙中虛

青溪阻千仞姑射貌汾陽未若遊茲境探元衆妙場

鶴來疑羽客雲汎似霓裳寓目雖寰宇遊神乃帝鄉

道存眞理得心灰俗累忘煙霞擬抗殿松桂肅長廊

早蟬清暮景崇蘭散晚芳即此翔寥廓非復控榆枋

宿桐柏觀

孟浩然

海泛信風帆夕宿逗雲島緬尋滄洲趣近愛赤城好

捫蘿亦踐苔輟棹恣窮討息陰憩桐柏采秀尋芝草

鶴唳清露垂雞鳴信潮早願言解纜絃從此去煩惱

高步凌四壁元覽得三老紛吾遠遊意學彼長生道

日夕望三山雲濤空浩浩

宴梅道士房

前人

林臥愁春盡華帷覽物華忽逢青鳥使邀入赤松家

金竈初開火仙桃正發花童顏若可駐何惜醉流霞

遊精思觀題山房

前人

誤入花源裏初憐竹徑深方知仙子宅未有世人尋

舞鶴過閑砌飛猿嘯密林漸通元妙理深得坐忘心

題太元觀

儲光義

門外車馬喧門裏宮殿清行即野若木坐即吹玉笙
所喧既非我眞道其冥冥

蓮華清宮

前人

上林神君宮此地即明庭山開鴻濛色天轉招搖星

三雪報大有執謂非我靈

宿無爲觀

元結

九疑山深幾十里峰谷崎嶇人不山中舊有仙姥

家十里飛泉繞丹竈如今道士三四人茹芝煉玉學

輕身霓裳羽蓋傍林壑飄飄似欲來雲鶴

尋雍尊師隱居

李白

羣峭碧摩天道遙不記年撥雲尋古道倚石聽流泉

花暖青牛臥松高白鶴眠語來江色暮獨自下寒煙

玉臺觀

杜甫

浩劫因王造平臺訪古遊綠雲蕭史駐文字魯恭畱

宮闕通羣帝乾坤到十洲人傳有笙鶴時過北山頭

又

中天積翠玉臺遙上帝高居絳節朝遂有馮夷來擊

鼓始知羣女善吹簫江光隱見鼉龍窟石勢參差鳥

鵲橋更有紅顏生羽翰便應黃髮老漁樵

張天師草堂

常建

靈谿宴清宇傍倚枯松根花藥繞萬丈瀑泉飛至門

四氣閉炎熱兩崖改明昏夜深月漸皎亭午朝始暾

信是天人居幽幽寂寂無誼萬壑應鳴磬諸峰接一魂

蓬登仙子谷因醉田中尊時節開玉書寶映飛天言

心化便無影目精焉累煩忽而上霄漢寥落空南軒

宴鬱林觀張道士房

錢起

滅跡人間世忘歸象外情竹塋秋月冷山殿夜鐘清

仙侶披雲集霞杯遠曙傾同歡不可再朝暮赤龍迎

夕遊覆釜山道士觀因登元元廟 前人

冥搜遺物表洞府次溪傍已入瀛洲遠誰言仙路長
孤煙出深竹道侶正焚香鳴磬愛山靜步虛宜夜涼
仍同象帝廟更上紫霞岡霽月懸琪樹明星映碧堂
傾思丹壺術願采玉芝芳倘挹浮丘袂乘雲別舊鄉

宿岸道人精舍

閻防

早歲參道風放情入寥廓重經因息侶遂果嚴下諾

敘述辭人間杜門守寂寞秋風剪蘭蕙蕭瑟氣冷淙壑

山牖見燃燈竹白聞搗藥願言捨塵事所趣非龍蠖

遊鍾山紫雲觀

耿湣

擊舟仙宅下清磬落春風雨過芝田長雲深葉徑重

古房青磴接虛殿紫煙濃鶴駕何時去遊人自不逢

同題仙遊觀

韓翃

仙臺下見五城樓風物淒涼宿雨收山色遠連秦樹

晚磬聲近報漢宮秋疎松影落空壇靜細草香開小

洞幽何用別尋方外去人間亦自有丹丘

題玉眞觀李祕書院

前人

白雲斜日影深松玉宇瑤壇知幾重把酒題詩人散

後華陽洞裏有疎鐘

雨夜宿清都觀

韋應物

靈輿動閭闔微雨灑瑤林復此新秋夜高閣正沈沈

曠歲恨殊跡茲夕一披襟洞戶含涼氣網軒構層陰

况自展良友芳樽逢盈斟適惜委前妄清言怡道心

豈戀腰間綬如彼龍中禽

宿昭應

顧况

武帝祈靈太乙壇新豐樹色繞千官那知今夜長生

殿獨閑空山月影寒

題葉道士山房

前人

水邊楊柳赤欄橋洞裏神仙碧玉簫近得麻姑書信
否得陽江上不通潮

早上凌霄第六峰入紫雲禮白鶴觀祠

于鵠

路轉第六峰傳是十里程放石試淺深硯壁蛇鳥驚
欲下先攀木路底避枯荳迴歇歇宿整帶重冠纓
及到紫石溪曉曉已天明漸近神仙居桂花濕暝暝
陰若無人蹤時得白鶴翩忽見朱樓象牌題玉京
沉沉五雲影香風散紫雲清齋上玉堂意戶懸水精
青童揭金屑杵臼聲丁丁廬腥遙問誰稱首稱姓名
若容在溪口願乞殘雲英

經故賀賓客鏡湖道士觀

朱放

已得歸鄉里逍遙一外臣那隨流水去不待鏡湖春
雪裏登山屐林間漉酒巾空餘道士觀誰是學仙人

題玉真觀公主山池院

司空曙

香殿留遺影春朝玉戶開羽衣重素几珠網儼輕埃
石自蓬山得泉經太液來柳絲遮綠浪花粉落青苔
鏡掩鸞空在霞消鳳不迴惟餘古桃樹傳是上仙栽

雲陽觀寄袁綢

李端

花洞晚陰陰仙壇隔杏林漱泉春谷冷搗藥夜意深
石上開仙酌松間對玉琴戴家溪北住雪後去相尋

過李尊師院

盧綸

城闕望煙霞常悲仙路賒寧知樵子徑得到葛洪家
犬吠松間月人行洞裏花雷詩千載鶴送客五雲車
訪世山空在觀棋日未斜不知塵俗士誰解種胡麻

登潛山觀

實參

山勢欲相抱一條微徑盤盤羅歇復行始得凌仙壇
聞道葛夫子此中煉還丹丹成五色光服之生羽翰
靈草空自翠餘霞誰共餐至今步步處處猶有孤飛鸞
幽幽古殿門下壓浮雲端萬丈水聲落四時松色寒
既入無何鄉轉嫌人事難終當遠塵俗高臥從所安
晚秋陪崔閣老張秘監苗考功同遊昊天觀時
楊閣老新直未滿以詩見寄斐然酬和有愧蕪

音

權德輿

方駕遊何許仙源去似歸紫雲迴雷騰瀟灑出塵機
汎菊賢人至燒丹姹女飛步虛清曉曉隱几吸晨輝
竹徑琅玕合芝田沆瀣瑞銀鈞三洞字璠筍六鉢衣
麗句翻紅藥佳期限紫微徒然一相望郢曲和應稀
和楊二舍人晚秋與崔二舍人張秘監苗考功
同遊昊天觀時中書寓直不得陪隨因追往年
會與舊僚聯遊此觀紀題在壁已有淪亡書事
感懷輒以呈寄兼呈東省三給事之作楊公見
徵鄙辭因以繼和

徵鄙辭因以繼和

武元衡

瑤圃高秋會金街奉詔辰朱綸天上客白石洞中人
珮響泉聲雜朝衣羽服親九重青瑣三秀紫芝新
化藥秦方士偷桃漢侍臣玉笙王子駕遊鶴令威身
歎逝顏波遠緇詞麗曲春重將悵恨意若壁間遺塵

遊洞靈觀

陳羽

初訪西城李少君獨行深入洞天雲風吹青桂寒花
落香繞仙壇處處聞

題茅山仙臺藥院

劉言史

擾擾浮生外華陽一洞春道書金字小仙圖玉苗新

芝草迎飛燕桃花笑俗人樓臺爭發漢鵠犬亦嫌秦
願得青芽散長年駐此身

遊王羽士山房

殷堯藩

落日半樓明琳宮事事清山橫萬古色鶴帶九皋聲
易作神仙侶難忘父子情道人應識我未肯說長生

西山經靈寶觀

孟郊

道士無白髮語音靈氣清青松多壽色白石常夜明
放步霽霞起振衣華風生真文秘中頂寶氣浮四極
一片古關路萬里今人行上仙不可見孤策徒西征

春題華陽觀

白居易

帝子吹簫逐鳳凰空留仙洞號華陽落花何處堪惆
悵頭白宮人掃影堂

題茅山李尊師山房

秦系

天師百歲少如童不到山中竟不逢洗藥每臨新瀑
水步虛時上最高峰離間五月雷殘雪石上千年蔭
怪松此去人寰今遠近回看雲壑一重重

晚春尋桃源觀

僧皎然

武陵何處訪仙鄉古觀雲根路已荒細草擁壇人跡
絕落花沉澗水流香山深有雨寒禽在松老無風韻
自長全覺此身離俗境元機亦可照迷方

宿道士觀

前人

古觀秋木秀冷然屬鮮蠅瓊葩被修蔓柏實滿寒條
影殿山寂寂寥寥天月昭幽期寄仙侶習定至中宵
清佩聞虛步眞官方宿朝

清都夜境

元稹

夜久連觀靜斜月何晶瑩參天如碧玉歷歷綴華星
樓榭自陰映雲隔深溟溟纖埃情不起玉砌寒光清

棲鶴露微影枯松多怪形南廂儼容衛音響如可聆
啓聖發空洞朝具趨廣庭開開蕊珠殿暗閣金字經
屏氣動方息凝神心自靈悠悠車馬上活思安得寧

同達笑幸遊寶子明仙壇

朱濤

松桂陰深一逕微中峯石室到人稀仙官不住青山
在故老相傳白日飛華表問裁何歲木片雲雷著去
時衣今朝茂宰尋真處暫駐雙輪且莫歸

妙樂觀一作國王寶觀
傳道士所居

釋靈一

王喬所居空山觀白雲至今疑不散壇場月路幾千
年往往吹笙下天半瀑布西行過石橋黃精採根還
採苗忽見一人擎茶碗簪花昨夜風吹滿自言家處
在東坡白犬相隨邀我過松間石上有基局能使樵
人爛斧柯

宿靈洞觀

前人

石室因投宿仙翁幸見客花源隔水見洞府過山逢
泉湧增前起雲生戶外峰中宵自入定非是欲降龍

宿陽臺觀

馬戴

玉洞仙何在鐘香客自焚醺壇圍古木石聲響寒雲
曙月孤霞映懸流峭壁分心知人世隔坐與鶴爲羣

飛泉觀

許渾

西巖泉落水容寬靈物蜿蜒黑處蟠松葉正秋琴韻
響菱花初曉鏡光寒雲開星月浮山殿雨過風雷繞
石壇仙客不歸龍亦去稻畦長滿此池乾

宿咸宜觀

前人

羽袖飄飄杳夜風翠幢歸殿玉壇空步虛聲盡天將
曉露壓桃花月滿宮

遊玉芝觀

李羣玉

尋仙向玉清獨倚雪初晴木落寒郊迥煙開疊嶂明
片雲盤鶴影孤磬雜松聲且共探元理歸途月未生

遊天柱觀

李郢

聽鐘到靈觀仙于喜相尋茅洞幾千載水聲寒至今
讀碑丹井上坐石洞亭陰清興未云盡煙霞生夕林

宿天壇觀

劉洽

沐髮清齋宿洞宮桂花松韻滿巖風紫霞曉色秋山
霽碧落寒光夜月空華表鶴聲天外迴蓬萊仙界海
門通冥心一悟虛無理寂寞元珠象罔中

題玉芝雙奉院

顧在鎔

入門如洞府花木與時稀夜坐山當戶秋吟葉滿衣
犬隨童子出鳥避俗人飛至菓應將熟年年火氣微

早出洞仙觀

趙嘏

露濃如水灑蒼苔洞口煙蘿密不開殘月色低當戶
後曉鐘聲迴隔山來春生葉圃芝猶短夜醺齋壇鶴
未迴愁是獨尋歸路去人間步步是塵埃

玉泉觀贈高道士

朱張方平

古屋氣象冷蒼崖煙翠中龍歸半天雨虎嘯一巖風
露後芝房紫霜餘柏實紅終期把藜杖來伴白雲翁

冲虛觀

胡宿

五粒青松護翠苔石門岑寂斷纖埃水浮花片知仙
路風遞鶯聲認嘯臺桐井曉寒千乳嫩茗園春嫩一
旗開馳煙未勒山亭亭可是英靈許再來

豐都觀

馮山

橫江聳孤峰陟嶽訪山徑修廊轉空曲古殿冠絕頂
漢柏撫骨立唐碑獨孤挺高踞自軒豁遐迤若俄頃
長生盡室來遊世或箕顛逍遙奚所適奚事傳轍轅

藥巖已無竈煙雲但枯井風前凡幾過物外初一省
清風誰與游高步踟躕難曉

游白鶴觀

李昭玘

春歸數十朝八九不暇出萌芽日夜發百背競揀突
駕言謁仙祠古象懷髣髴白鶴來何時蒼檜暮蕭
雲霞斷人世往事已荒忽解纒濯泉流深澈幾照骨
毛寒不敢視下必有神物昔人斯倘得音影詎磨沒
嗟予質汗下見亦被呵咄仰仰道遙游未忍塵土汨
時須挹高風爲我一吹拂

簡寂觀後唐修
廢居

李綱

高士不可見雲鄉空舊居煙嵐飛瀑外露石體星餘
松老來歸鶴沼深時見魚何人覓丹訣應有枕中書

題棲真觀三十六韻

前人

武夷古洞天奇峯三十六一豁貫羣山清淺紫九曲
溪邊列巖岫倒影浸寒綠翩如鸞鳳翔矯若虬龍蹙
樓觀聳峇峽屏帷五重複蛇仙骨遺金遊女肌削玉
雞棲層巖巖船插斷崖腹學館存几案仙機餘杆軸
藍光瑩澄潭虹影挂飛瀑翠竹蔭天池蒼苔封石屋
綸禽頂長丹遺跡指如掬幾幾天柱峰峰連連翠旒
傳聞武夷君嘗此會仙族飛橋幾千丈絕頂瓦山足
障以翠雲屏藉以紫霞褥瑤瑤頃沉瀝玉豆脯麟鹿
仙妃奏賓雲金鼓間絲竹酒酣歌夕暉歡息光景促
會孫誰復在往事空遺蹟至今風月夜笙簫響虛谷
地靈饒泉石山潤秀草木坐使七閩人陸此仙靈福
嗟余真散材性愛山水酷仙經與地志名字久已熟
薄官方區區仙賞宜碌碌神遊先夢寐幽覲寄圖錄
寧知因謫宦乃得厭所欲沿溪窮幽深應接勞耳目

開襟豁懷抱壯觀慰幽獨却邀白雲歸伴此巖下宿
夜寒夢魂清曉發輕裝速仙遊須再來何當謝羈束

遊麻姑觀

周紫芝

清秋禾黍罷南畝幽事少凌晨有佳興振策事輕矯
微蹤躡飛猱雄眺高木杪上有仙子祠棟宇頗傾繞
騰虛想雲輶遺像空鳥爪黃冠三四輩生意良草草
更欲問丹爐雲山遂幽討道士笑不言此意未逮馳
但云須趣轅山靜虎出早勝踐良獨難仙事亦杳眇
了知世俗人塵凡隔蓬島

簡寂觀

朱熹

高士昔遺世築室蒼崖陰朝真石壇峻煉藥古井深
結交五柳翁屢賞無絃琴相攜白蓮渚一笑傾夙心
晚歲更市朝故山鎖雲岑柴車竟不返驚鶴空遺音
我來千載餘舊事不可尋四顧皆絕壁苦竹寒蕭森

題東山道院

徐玣

古院嵌嵌石作層綠苔芳草近郊垌溪流偶到門前
合山色偏來竹裏青靜與黃蜂通戶隔閒將白鳥共
沙汀道人亦有能琴者一曲清徽最可聽

桐柏觀

趙師秀

山深地忽平縹緲見殊庭瀑近春風濕松多曉日青
石壇遺鶴羽粉壁剝龍形道士王靈寶輕強滿百齡

崇真觀東軒

趙汝鑑

東軒面水枕山阿左右雲煙濕翠蘿風度鶴聲聞遠
壑日移松影轉前坡愁來獨靠清尊遣老去休憎白
髮多道士罷琴揮醉筆詩成自喚小童哦

宿仙山朝元觀題示

元王惲

太行北走開四門川原落落風煙屯仙山西峙如虎

踞石嶺東抱蒼龍奔道林中蟠百餘畝顧揖殿殿何
雄尊仙翁得仙事情悅碧霞洞主元元孫百年朝元
去不返寶籙錄泄風雷燉陰靈訶護石壇古老雨雷
漬蒼苔痕縹緲矯矯東瀛老變化能大天溟覬謝公
本是濟時具誰使臥老東山墩豐碑不愧蔡邕華再
拜遺像儼以溫我來夏交樹陰將萬橘翠瑣芬蘭蓀
平生素有林壑癖若厭闌闌埃羅昏每來福地愛蕭
爽跬步乃與仙凡分山川景氣得人勝喜對羽客開
清樽夜深靜臥月東出林影布地翻瑤琨天風吹空
萬籟息明星當上手可捫恍然人境兩奇絕月露一
洗清心魂世間塵土幾千丈有夢不到瑤臺垠人生
幾何胡不樂倒自踞東駒服轡惜故清景不可駐一
聲啼鳥開林煙明朝人事隨日出坐看蟻穴蜂衙喧

七真山洞雲觀

程鉅夫

七真之山白雲裏絳闕神宮半空起祁君有志于君
成更賜雄材自天子東臨滄海西崑崙森森翠節排
天門三更月射芙蓉色六月石挂冰霜東山頭彷彿
清虛府洞底陰岑太行路青苔能識六龍車明月長
懸萬年樹峰盤澗複氣細縹緲草金芝日日新君王
自有長生業端拱無爲萬國春

遊集仙宮

盛如梓

紺宇出闌闌來遊慕虛寂流水環四圍入門杉檜碧
長廊煙霧生靈輒幡幢密主人聞客至尊酒延丈室
修竹逾萬个老桂高百尺日色淨不暄松風涼可挹
倚然人間世陡覺詩興逸

招仙觀

何中

逶迤漢南路窈窕招仙谷空堂兩道人殘棋映溪竹

一葉響疎籬雙鴉啼高屋出門隨歸入遠燒在山麓

洪都靈應觀榜雲徑

前人

厭煩取蕭閒隨意入雲徑上堂敲響板山童買辭令
地寂室生涼體暢心逾靜出門看木陰佳鳴發清聽
風光勻可愛水色艷相映真契成自怡歸路得新味
城市今滯留將無失幽性

費無隱丹室

虞集

碧雲雙引樹重重除却丹經戶牖空一徑綠陰三月
雨數聲啼鳥百花風年深不記栽桃客夜靜長雷賣
藥翁幾度到來渾不語獨依秋色數歸鴻

玉虛觀

明王世貞

霞蟲黃金界虹飛白玉橋帝居開顯赫天路入峒嶢
薛網雲常掛松珠露不消步將塵世隔境許俗心調
聖水流仍暖仙衣靜自搖可知笙鶴度特地引王喬

老君殿

周震實

臺殿蒼山頂松蘿黯不分井開無積雪竹挺半穿雲
鶴駕它年駐鸞笙徹夜聞仙凡非異境莫使日離羣

前題

沈冕

古殿開峯頂涵虛勢欲浮松杉連上界鸞鶴引仙遊
迹逸身無礙樞元道可求靈山多紫氣彷彿見青牛

三元堂

孫七政

山院桃花映碧流何當仙侶共探幽雖無石髓畱人
少自有鶯啼駐客遊

又

千壑松風萬壑春飛花撲面舞沾巾此中莫厭仙源
杳芳草從來不誤人

道觀部紀事

錄異記成都至真觀道士黎元典龍明年中於學射山欲創造觀宇夜夢神人引昇高山大殿之中謁見中央黃老君身長數丈髭鬚皎白戴金鳳冠著雲霞衣侍衛十餘人顧謂元典曰吾近有材木可構此觀無煩憂也如此再夢數日有人於萬歲池中乘舟取魚或見水色清澈池底大木極多以告元典元典令人取之得烏楊木千餘段至有長百尺者用以起觀作黃老君殿依夢中像塑之又制三尊殿講堂齋壇房廊門宇木皆足用

唐書魏知古傳知古深州陸澤人方直有雅才擢進士第以著作郎修國史累遷衛尉少卿檢校相王府司馬神龍初為吏部侍郎以母喪解服除為晉州刺史睿宗立以故屬拜黃門侍郎兼修國史會造金仙玉真觀雖盛夏工程嚴促知古諫曰臣聞古之君人必時視人之所勤人勤於力則功築罕人勤於財則貢賦少人勤於食則百事廢故曰不可無益害有益又曰罔拂百姓以從己之欲禮季夏五月樹木方盛無有斬伐不可以興土功此皆興化立治為政養人之本也今為公主造觀將以樹功祈福而已皆百姓所宅卒然迫逼令其轉徙扶老攜幼剔橡瓦呼嗟道路乖人事違天時起無用之作崇不急之務羣心震搖衆口藉藉陛下為人父母欲何以安之且國有簡冊君舉必記言動之微可不慎歟願下明詔順人欲除功役收之桑榆其失不遠不納復諫曰自陛下散削凶逆保定大器蒼生顚願以謂朝有新政今風教頽替日益甚府藏空屈人力勞疲營作無庠吏員

寔增諸司試補員外檢校官已贏二千太府之帛為殯太倉之米不支臣前請停金仙玉真詔亦未止今前水後旱五穀不立絳茲向春必甚饑饉陛下欲何方以賑之又突厥於中國為患日久其人非可以禮義誠信約也雖遣使請婚恐豺狼之心弱則順伏強則驕逆月滿騎肥乘中國饑虛講親際會窺犯亭鄣復何以防之帝嘉其直

潘師正傳潘師正者貝州宗城人少喪母廬墓以孝聞事王遠知為道士得其術居逍遙谷高宗幸東都召見問所須對曰茂松清泉臣所須也既不乏矣帝尊異之詔即其廬作崇唐觀及嘗奉天宮又敕直道遙谷作門曰仙遊北曰尋真

韋湊傳景雲初作金仙等觀湊諫以為方農月興功雖貴出公主然高直售庸則農人捨耕取顧趨末棄本恐天下有受其僨者不聽湊執爭以萬物生育草木昆岐傷伐甚多非仁聖本意帝詔外詳議中書令崔湜待中岑羲曰公敢是耶湊曰食厚祿死不敢顧況聖世必無死乎朝廷為減費萬計

辛替否傳唐宗立方營金仙玉真觀替否以左補闕上疏曰太宗不多寺觀而福祿至不度僧尼而咎殃滅陰陽不愆五穀遂成粟腐帛爛萬里貢賦百蠻歸款享國久長多歷年所陛下何憚而不法之中宗造寺靈財數百億度人免租庸數十萬是故國家所出日加所入日減倉乏半歲之儲庫無一時之帛奪百姓之食以養殘兇剝萬人之衣以塗土木人怨神怒親忿衆離陛下若法太宗治國太山之安可致也法中宗治國累卵之危亦可致也頃淫雨不解數荒於

饉麥爛於場入秋亢旱霜損蠶桑草木枯黃下人咨嗟未知所濟而營寺造觀日繼於時道路流言計用緡錢百餘萬陛下知倉有幾歲儲庫有幾歲帛百姓何所活三邊何所輸民散兵亂職此由也而以百萬構無用之觀受天下之怨陛下忍棄太宗之治本不忍棄中宗之亂階忍棄太宗長久之謀不忍棄中宗短促之計何以繼祖宗觀萬國耶往見明敕一用貞觀故事且貞觀有營寺觀加浮屠黃老益無用之官行不急之務者乎惟陛下停二觀以須豐年以所費之財給貧窮填府庫則公主福無窮矣疏奏帝不能用然嘉切直稍遷右臺殿中侍御史

姚崇傳先天二年元宗召崇咨天下事宸衷不知倦帝曰卿宜遂相朕崇知帝大度銳於治乃先設事以堅帝意即陽不謝帝怪之崇因跪奏臣願以十事聞陛下度不可行臣敢辭其一曰武后造福先寺上皇造金仙玉真二觀費鉅百萬臣請絕道佛營造可乎帝曰朕能行之崇乃頓首謝

道敕靈驗記果州開元觀接郡城頗為爽瑋以形勝之美選立觀額雖州使旋具結奏而制置之內猶闕大殿州司差工匠及道流將拆嘉陵江於利州上游採買林木臨行道流工匠同夢有人云朱鳳潭中有木可以足用如此者三因聚議曰夢兆如斯必有大商貨木沿江而至可躊躇三五日以伺之或免遠道願以為便一匠曰吾於朱鳳山下江中尋之莫有商筏已到來否即往山下尋求潭水澄澈忽見潭底有木因使善沉者鉤求得梓木千段構成三尊殿鐘樓經閣三門廊宇咸得周足又市博覽壇內有黃赤色

者疑其火力未足棄而不用信宿皆化爲金起觀之費過於豐資殿宇既成將聖尊像又於白鶴山觀掘地得鐵數萬斤鑄三尊鐵像僅高二丈今謂之聖像遠近祈禱立有徵驗起觀道流何氏家世代豐足今爲冒族焉至今負販之徒錐刀求利者每以三日五日必詣聖像前焚香祈祐或闕而不精信者即貿易無利貨鬻不售焉

北都潛丘臺有古觀焉像設精嚴樓臺宏麗地形顯敞迥出於都城之中制創多年久無崇葺風搖雨漬日以傾摧相國崔公彥昭常夢野步尋幽至古臺之下翹首仰望其上有紫氣氤氳祥光四照無登躡之路良久復聆天樂笙簫之音尋訪之意彌切但四隅陡絕咫尺萬里忽前有金橋如梯層級寬博遂攀梯而上上中略三四級板閣欄推躋登不得即見巨手金色引指而接之公握指未定已登臺上矣徘徊四顧唯古殿欲摧荒壇蕪沒歎數四復到天尊之前認金橋乃座前之橋耳金手乃天尊之手耳不復聞天樂之聲亦絕紫氣之像因言曰豈天尊有所付囑耶何變化如此也天尊忽言曰子即居此地無忘摧殘也俄而驚覺旬日授北都留守到鎮井月恍恍然如有所失如有所疑因命駕縱遊用攝其志聞潛丘臺不遠造而觀焉唯古殿摧殘深草埋翳乃瞻拜天尊見像侍衛宛若會所遊觀徐視座前金橋在焉欄折板斷矣復脫金臂及指皆醒然頓悟即前之所夢也施俸金募工役革故之弊鼎新其宇惟殿造且久隨其古制增修而已其餘垣牆廊宇壇庭門房圖繪丹牘精室金翠靡不畢備焉締構之功香花之獻鬱

爲一時之盛也

相國劉公瞻南遷交趾道過江陵既登扁舟將欲解纜迴首道左見像設甚嚴而朽殿傾圯問其名即眞符玉芝觀也入門昇階拜手潛祝是夕舟中夢青童前導登大山之上松徑連延崖巖奇秀芳芝幽草好鳥靈花燦然在目行一里許見元始天尊坐寶花座上瞻仰粹容乃玉芝殿中天尊也拜祝曰某得罪聖朝竄逐且遠非敢怨望但祈生還耳天尊曰爾之青簡列於諸方矣何憂於世難乎再居相位而後得道自此齋一句戒三日則暫隔瘴海魑魅之鄉無所憚矣辰未巳午與子爲期也自是劉公南征至湖嶺間所在藩方勞問相繼旋得金帛寓信於荆帥特創天尊殿齋廳廊宇選精介焚修之士以居之於是再散入掌鈞軸厭浮俗棄世界符夢中之言歲辰亦無爽矣

李相國蔚推旌汴州兼太清宮使每翹心元關思眞念道一夕夢野步郊外叢箔間見奇光五色中有天尊像頂光半缺手握玉芝狀如白蓮花而圓莖細條芝有八秀歷歷詳記注於心目翌日因送賓出郊顧見有道像暴露間其所即玉芝觀也相國異之廻鑪而禮謁莎莖盈庭蕭蕭蔽路披榛而後進所觀金像與夢同焉雖不握玉芝而名與夢叶遂廣加崇飾焉巨殿深沉飛甍灼赫齋宮講肆月耀霜壇前閣通街雄臨郭郭爲藩方之壯觀焉
寧州眞寧縣通聖觀即開元皇帝夢二十七眞得刻石眞像之所置也歲祀寢深旋已摧毀邊徼寒道流緒修之事因已曠絕矣相國司空鄭公收登龍之

年偶嘗遊禮賦詩三十韻以紀其故實亦冥祝曰異日官達必冀增修泊入掌絲綸尊居鈞軸樞機少暇前顧都忘一夕夢遊洞府之中羣仙賞翫奏鈞天廣樂以恣嬉遊俄而幢節羽衛自天而下使者一人降曰太上有命徵還上清於是羣仙或控鳴鶴或駕飛龍騰躍而去相國亦欲振袂驚飛一仙人廻首笑曰還舉眞寧之願然後可來此爾既覺省憶眞寧修觀之事乃輟鼎食之資爲締構之費邪帥李尚書侶命都校以董其事十旬而靈觀鼎新矣相國嘗話斯夢以爲洞天者羅川之洞也羣仙者一十七眞也警其忽忘憇此巨功信大道之明徵矣

洋州素靈宮云漢武帝爲素靈夫人降眞內殿於太白之前爲築宮宇即其地也年代浸遠遺址僅存我唐高祖既至長安受隋恭帝禪是歲夢素衣神人云我太白之主也居素靈臺以荒毀爲告詔訪其地特創臺殿命爲素靈宮開元中傳天師會奉詔齋醮於其上德宗幸梁洋欲駕幸其地又加營飾由是材石之功最爲宏壯馮行襲自金州遠統洋州武定軍僉其子守之欲毀素靈屋宇以修公署工人揭瓦皆有毒虵居於甍中莫知其數竟無所措手以事白焉馮子怒使吏焚之曳薪炷火而雷電大震風雨總至羣吏奔駭數輩死之靈跡歸然無敢犯者
南康王太尉中書令韋公阜爲成都尹相國張公之愛壻而量深器大舉止簡傲不狎於俗張家奕世相家德望清貴張族皆輕侮於阜以此見薄亦未之悟也忽夢二神人謂之曰天下諸化領世人名籍吾子名係葛瓊祿食全蜀富貴將及何自滯耶馳行矣

異日當富貴無以葛瓊爲忘也。由是韋有干祿之志。謀於其室。室家復勉勵之。以粧奩數十萬金資其行。計既達秦川。屬歲饑久雨。因知友所聘署隴州軍事判官。俄而駕出奉天。郡守奔難行。在阜率土客甲士饋輓軍儲。以申尾衛。以功就拜防禦使。復請赴觀行朝。德宗望而器之。既平寇難。大駕還京。以功檢校右僕射。鳳翔節度使。懇讓乞改西川。乃授西川節度與張公交代。焉撫師赴任。張假道歸闕。以避其鋒。既而累年蜀境大穰。金帛豐積。南詔內附。乞爲臣妾。咸名益重。而貢賦不虧朝廷。倚注戎機。伏由是請許南詔置習讀院。入質子。學生習詩書禮樂。公文翰之美。冠於一時。南詔得其手筆刻石。以榮其國。而葛瓊之事久已忘矣。又夢二神人曰。富貴而忘所因。其何甚耶。公夢覺流汗驚駭。久之乃躬詣雲林。炷香禱福。遂命工度木。揆日修崇。作南宮飛閣四十間。巨殿修廊。重門邃宇。範金刻石。知無不爲。支九龍租賦於山下。列屯輪貯。檣檣山積。匠石雲趨。自製碑刊於洞門之側。上構層樓。焚燬僅七十人。以供灑掃。良田五百畝。以贍齋儲。在鎮二十餘年。封以王爵矣。卽本命丁卯屬葛瓊化也。

忠州豐都縣平都山仙都觀前漢真人王方平後漢真人陰長生得道昇天之所。蕪沒既久。基址僅存。晉代高先生首爲崇葺。太元中姚泓再加繕飾。其後梁隋共其國朝。繼修華閣。翔虛丹簷。照日黔荆。蜀梓元戎重臣或維梓登臨。必命修葺。相國鄧平投文昌旅寓之年。迨迴峽內時。因登眺。炷香稽首祝於二真曰。苟使官達粗脫。樓遲必有嚴飾之報。自是不十歲擁

施江陵視事之日。已注念及此。俄夢二真仙若平生密友。引公登江渚之山。及頂乃陰君洞門矣。二真亦不復見。翌日施一月俸錢修觀宇。一月俸爲常住本錢。常俸繕完。以答靈貺。

樓觀者周康王大夫尹喜宅也。在京兆藍屋縣神就鄉。閭仙里居終南之陰。觀內有周穆王秦始皇漢武帝所置殿宇。及秦始皇臺跡。尹喜靈井。老君支草樹昇天臺。晉宋謁板秦漢銘記。歷代存焉。大唐將受命義師起於河東。觀內有赤光屬天者六七夜。廣明庚子寇犯長安。觀中有光如義寧之歲。近車駕幸鳳翔。整屋將陷。觀中復有光景之異。由是避難士庶多投觀中。靈跡歸然。人莫敢犯。高祖時賜號宗聖觀焉。合州慶林觀多年摧朽。殿宇不修。穿漏尤甚。雨滴太上尊容。刺史楊師謨夢太上示現。而左目有淚痕。乃巡謁諸親。觀禮功德至慶林方驗。尊像左目前漏滴之痕。宛若垂淚。因刻雄荒蕪恢。張制度創兩殿二樓。裏門邃宇。壯麗華盛。冠絕一時。旣畢。復夢太上謂之曰。子以崇葺之功。上簡元府。當流化十郡矣。其後師謨累典符竹。日深渥恩。凡一十一郡享壽九十焉。此大中年事。

越州上虞縣郭郭間有隙地數畝。時聞鐘鳴地中。咸通年縣令夏侯頗傾心崇道。以縣邑元觀。買其地創造觀宇。掘地獲古鐘百餘斤。上有文字曰。正觀是冬。賜額以降誕節。祝壽所奏。賜名延慶觀焉。台州刺史姚鵠因遊天台山。天台觀命于講堂後鑿崖伐木。創老君殿焉。將平基址於巨石下。得石函方三尺。發之中有小石函。得丹砂三兩。玉簡一枚。長

九寸闊二寸厚五六分。上有文曰。海水竭。台山缺。皇家寶祚無休歇。具以上聞。勅曰。上天降祉。厚地呈祥。爰有白簡之靈書。出於元元之寶殿。告國祚延洪之兆。示坤珍啓迪之符。惟此休徵。寔爲上瑞。宣付史館。頒示萬方。乃咸通十三年壬辰之歲也。鶴聖老君像而山中土石相渾。求訪極難。夢青童告之曰。殿東丈餘所有土如望。可以用之。求而果得。聖太上之容侍衛。凡八九身。土無餘矣。旣成天儀。衆然辟容。伊穆月元日角若載誕於涓川雙柱三門。疑表靈於相野。泊濯齋以贊之。則景氣融空。奇光燁燁。似聞笙磬絲竹之音。咸以爲休瑞。皆桐柏初構天尊之堂。有雲五色浮霽其上。三井有異雲氣入堂。復出者三。書於國史。以紀符應。清河崔尚碑文詳焉。此聖祖殿亦自有記。龍州牛心山古觀。卽大唐遠祖龍西李龍遷梁武陵王蕭紀理益州使遷築城於此。所居旣沒。葬於山側。鄉里立祠。號李古人廟。武德中改爲觀。其後武氏篡國。潛欲革命。勅鑿斷其山脈。其崗斷處水色變赤。其腥如血。天寶末明皇幸蜀。駕入劍門。有老人蘇坦迎駕。奏曰。龍州牛心山國之祖墓。因李古人名遂爲州名。古老相傳皆有靈應。陛下今日蒙塵之禍。乃則天掘鑿所致。請御衣一襲藏於山脈。斷處修築復舊山。必有聲如此。則克復兩京。同鑒有日矣。明皇異其言。卽命內使齋御衣國信祭山。修築刺史蘇迥准詔以近山四鄉百姓放明年租稅。供功修墳。遣使如舊山。果有聲如牛。響爲明年誅祿山復宮闕。至德二年十月二十八日詔曰。江油舊壤。境帶靈山。自符巴梁屢昭感應。眷茲郡邑。含有增崇。可昇龍州爲都督府。賜

號應靈郡長慶四年中使張士謙王元有刺史尉遲銳修之寶曆元年三月內使閻文清又齋詔祈醮僞宗朝宗子李特立復以前事上奏請修觀及廟置金鍊道場乃授特立龍州錄事參軍與內使高品王彥忠就山修飾委東川節度使楊師立選高法道士袁道常等開黃鍊道場離山祈福山亦有牛煦之聲明年誅黃巢復京邑靈應復如初

亳州真源縣大清宮聖祖老君降生之宅也歷殷周至唐而九井三楡宛然常在武德中枯楡再生天寶年再置宮宇其古蹟自漢宣漢桓增修營葺魏太武隋文帝別授規模邊韶薛道衡爲碑以紀其事唐高祖太宗高宗中宗睿宗明皇六聖御容列侍於老君左右兩宮二觀古楡千餘樹屋宇七百餘間有兵士五百人鎮衛宮所咸通中龐勛據徐州十道徵師詔討長圍將合龐勛恐力不支久遂傾徙三千餘人徑來欲奪宮所據爲營壘是日避難士庶千餘家咸在宮內見黑氣自九井中出良久昏暄一川老君空中應現龐勛徒黨迷失道路自相踐踣水橋斷盡溺死水中遂巡開霽賊黨無孑遺矣廣明中黃巢將領徒伴欲焚其宮亦有黑霧遍川迷失行路又有草賊遍地自欲凌毀太清宮迷路乃往亳州城下因圍逼州城攻打彌急刺史潘稠望宮焚香以希神力救護頃之黑霧自宮中而來周繞城外腥風毒氣聞者頓仆密雪交至寒凍異常死者十有五六初攻城之時有神鴉無數銜接賊箭投於城中賊輩已加驚異既而城內朗晏城外風雪賊人懼此神力解圍而去潘稠奏云自大寇犯關之後羣兇誅殄以來大小寇逆

前後一十八度欲犯太清宮或迷失道途或龍神示見終挫兇計宮城晏然所庇護居人不知其數請移眞源縣就宮安置勅旨恐移縣就宮必多積潰縣依舊所宜准萬年例升爲赤縣仍降青詞修齋告盟

發州開元觀却依小坡形勢高爽元置之四面通街後爲居人所侵基地漸狹大殿之後便逼居人私舍亦有州司勢要占地宅道士明知其事未嘗敢言主觀道士夢天上官吏三五十人自空而下集於殿前即喚此道士問觀地疆界答云某後生晚長自主觀來祇據現在而已據老人所言此觀元置爲御容四面通街以防水火今去街極遠盡隔人家官人點頭曰寔然又見一人云是地司所說亦同有朱衣吏一人進曰此事不煩躬親指說但處分刺史溫璋即時忽見令人往傳處分言訖昇空而去明日刺史忽入觀行香登眞殿上顧望問道流此觀形勢布置不合隘窄如此何得側近便有人戶居住道流遂巡未敢祇對溫郎中曰固應難說即令懸榜發遣居人四面以官街爲界併還常住所侵占地者據侵住年月限一月日內倍納租地錢隨徵地租約數百千充版築垣牆修飾屋宇六十餘日觀復舊制夜夢青童降曰汝有整理常住之功賜節鎮三任若濟貨殺人得其一矣亦如其言

金堂縣昌利化元元觀南院元元殿前有九井焉平陸之上纔深一二尺或方或圓大者五六尺小者三二尺相去各數步泉脉相通而水色皆異其味甘香蓋醴泉之屬也無水旱增減之變常涵岸不溢蜀王討東川之年岐隴之師赴援來銳深入來居金堂江

側江水泛漲雷雨異常遂不克濟師驚而遁時以盛暑探騎十餘人入昌利化見井而喜繫馬解衣將赴泉以浴忽大井中有馬絆蛇騰踴而出首如白虎大若車軸噓氣噴毒勢欲噬人騎卒見之奔避而去又每歲三月三日釐市之辰遠近之人祈乞嗣息必於井中探得石者爲男瓦礫爲女古今之所效驗焉國老談苑祥符中議管昭應宮計其工十五年而成丁謂總領其事以夜繼晝每繪一料給燭二條踰七年而就

甲申雜記范彝叟爲右丞時五嶽觀災或曰可速修之其像甚靈昨奉安時數十人舉一像昨夕數道士能舉之范曰果靈何不休焚之上笑而已時以聽直言斯盛德也

燕翼貽謀錄萬壽觀本玉清昭應宮也宮爲火所焚惟長生崇壽殿存殿有三像聖祖眞宗各用金五千餘兩吳天玉皇上帝用銀五千餘兩仁宗天聖七年詔玉清昭應宮更不復修以殿爲萬壽觀蓋明肅太后尚有修營之意宰臣猶帶使令領至是始去之示不復修營也

退朝錄天聖七年玉清宮災遂罷輔臣爲宮觀使而景靈會靈祥源三宮觀以學士舍人管句康定元年李康靖公罷參知政事爲資政殿大學士提舉會靈觀自後學士皆爲提舉至和初晏元獻公以舊相爲觀文殿大學士提舉萬齡諱也觀而武臣今致政李少師端愿爲觀察使止得管句祥源觀自陳於樞府宗袞諱也爲宗袞乃加以都管句今朝官亦云提舉非故事也

太宗時建東太一宮於蘇邸遂列十殿而五福君恭二太一處前殿冠通天冠服絳紗袍餘皆道冠寬衣天聖中建西太一宮前殿處五福君恭大遊三太一亦用通天絳紗之制餘亦道冠寬衣熙寧五年建中太一宮內侍主塑像乃請下禮院議十太一冠服禮院乃具兩狀一如東西二宮之制一請盡服通天絳紗會有言亳州太清宮有唐太一塑像上遣中使視之乃盡服王者衣冠遂詔如亳州之制

東軒筆錄太一宮舊在京城西蘇村謂之西太一熙寧初百官奏太一臨中國主天下康阜詔作宮於京城之東南隅謂之中太一方歲事命三司副使李壽朋往蘇村祭告是日壽朋飲酒食肉而入俄得疾於殿上扶歸齋廳七竅流血肩輿上道未及國中而卒稿簡贊筆吳興武康縣延真觀唐碧落觀也沈休文故宅有唐縣令胡傳美題詩云仙宮碧落應徵書遺跡依然掩故居幢節不歸天杳邈煙霞空鎖日幽虛不逢金簡投雲洞可惜瑤臺疊薛除欲脫儒衣陪羽客傷心齒髮已凋疎熙寧中孫莘老爲湖州守集境內東晉以來詩爲吳興集刊行偶遺此詩

續明道雜記蘇侍郎由黃門謫知汝州因遊天慶觀見殿壁上畫甚精問之乃吳道子筆也而殿稍不完因施已俸新之工畢於殿脊上火珠中見有書字蓋記建殿年月後有書曰某年月日有姓蘇人重修及其時正黃門修時也

老學菴筆記政和神霄玉清萬壽宮初止改天寧萬壽觀爲之後別改宮觀一所不用天寧若州城無宮觀即改僧寺俄又不用宮觀止改僧寺初通撥賜產

千畝已而豪奪無涯西京以崇德院爲宮據其產二萬一千畝賃金錢園利錢又在其次三泉縣以不隸州特置已而凡縣皆改一僧寺爲神霄下院駁駁日張至宣和末方已

天下神霄皆賜威儀設於殿帳座外面南東壁從東第一架六物曰錦繖曰絳節曰寶蓋曰珠幢曰五明扇曰旌從東第二架六物曰絲拂曰旛曰鶴扇二曰金鉞曰如意西壁從東第一架六物曰如意曰玉斧曰鶴扇二曰旛曰絲拂西壁從東第二架曰旌曰五明扇曰珠幢曰寶蓋曰絳節曰錦繖東南經兵火往往不復在蜀中多徙於天慶觀聖祖殿今猶有存者神霄以長生大帝君青華帝君爲主其次曰蓬萊靈海帝君西元大帝君東井大帝君西華大帝君清都大帝君中黃大帝君又有左右仙伯東西臺吏二十有二人繪於壁又有韓君丈人祀於側殿曰此神霄帝君之尚寶也其說皆出於林靈素張虛白劉煉天禧中以王捷所作金寶牌賜天下至宣和末又以方士劉知常所鍊金輪頌之天下神霄宮名曰神霄寶輪知常言其法以求鍊之成金可鎮分野兵飢之災時宣和七年秋也遣使押賜天下太常方下奉安寶輪儀制而寇已渡河矣

撫州紫府觀眞武殿像設有六丁六甲神而六丁皆爲女子像黃次山書殿榜曰感神通之殿感通乃醴泉觀舊名而像設亦醴泉舊制也

宋魯應龍括異志西宮眞武道院西廡一室有純陽眞人呂翁像極端嚴乃曾叔祖大中璠所創道堂中塑像道堂廢遂移奉於此頗著靈異小兒有拜禱乞

錢者或於几上及坐處得之亦見其仙道變化之驗云

貴耳集韋太后自北歸有四聖一圖奉之甚嚴委中官張去爲建四聖觀泰相偶見之問所以然退以堂帖呼張去爲張君其泣告太后思陵因朝退語及建四聖觀本末泰相奏云先朝政以崇建宮觀致有靖康之變內廷有所營造豈容不令外臣知之中貴自事非宗社之福卽日罷役改爲都亭驛後三年思陵諭泰相以孤山爲四聖觀殿宇至今簡陋

道觀部雜錄

識遺觀之義亦遠仲尼與於蜡賓事畢出遊於觀之上蓋魯有兩觀門旁高處也爾雅釋觀爲闕孫炎曰宮門雙闕懸法象使民觀之闕居巍巍高處因名象魏謂之闕者觀法象則可闕去疑事春秋晉楚邲之戰潘黨請收晉尸築爲京觀封土觀示後人也胡澹菴言觀有四一日朶樓魯兩觀是也一日藏書所漢東觀是也一日遊觀處謝元暉賦屬玉觀是也一日高可望武帝內傳置元始眞容於高觀上是也今老氏居疑本內傳詳此觀非老氏可專凡高可縱觀皆觀也

道觀部外編

道教靈驗記周真人名太元陶隱居弟子也年二十一而得道先於隱居證位其所居即今紫陽觀處茅嶺之前平陸爽垲實爲福地堂側一片地稍高如舊屋基而無輓蹊蹤跡太元於其上植花木時見有人高冠褒衣或三或二亦有介金之士明月靜夜立於其中家有小兒名小豆纔五六歲遊戲其上遂巡有人送置庭中如是者數四而無傷損一旦問陶君說此詳異陶曰昔朝許君舊宅乃上經堂基正當其地速作靜室爲焚香之所不可棄瀆也太元因問上經所安之地何神明如此耶陶曰三洞寶經所在之地萬靈侍衛百神朝揖豈可不尊之耶太元曰真經已去其地久虛而猶真靈衛之耶陶曰上經所安之地地祇守之七百年法宇之地千年正一所安之地善神護之三百年經法雖去年限未滿所以然耳太元遂作靜室每旦夕香燈而不敢於此室朝拜存修恐法位高卑有異凡之隔爾

益州唐隆縣大通觀晉義熙元年乙巳置周末摧殘僅存基址武德中邑人呂細因過其地遇一道士乘青驢自天而下於觀基之內盤廻指畫良久昇天呂細與范仲良同受其教即日共出金帛特造觀宇有紫微閣高八十餘尺九爲宏壯太尉南康王韋阜再加修飾其側有市城觀在縣西南八里有石像天尊一十三身高一丈三尺每至齋月吉辰鐘或自鳴夜有神燈晝有仙人來往遠近共知焉

成都龍興觀即後周至真觀也基址廣袤四面通街大殿講堂玉華宮碑碣皆在有王峰者事頡川王於

小蠻坊創置私第以基地卑濕乃使力役者廩觀門土牆及廣掘觀地取土數千車築基址土木未畢已數口渴亡一旦自衙歸宅於其門外見二黃衣人曰爲觀中取土事要有對勘應答之間下馬而卒其觀內有鐘樓曰靈響臺有門樓宏壯制度精巧節度使吳行魯奏移門樓於天王寺拆其鐘樓遺蹤勝賞併爲毀蕩矣頃年駕在蜀明道大師尹嗣元云行魯之吏因疾入冥數日復活言見行魯爲鬼吏所驅搬運龍輿材木鐵鏹繫械晝夜不休木纜橫梁又却飛去如是捷運不知何年當得息爾欲求子孫爲立觀門贖其罪子孫貧窘固不及爾

饒州開元觀舊在湖水之北去郭二里巨殿層樓迴軒廣廈枕湖有水閣松徑有虛亭松竹森疎花木秀茂郡人避暑尋春爲一州勝賞之所其後道流既少廊廡摧損唯上清閣大殿齋堂三門俱在里中民庶多葬於觀地中壇殿之外盡爲墟墓矣大中二年郡中夜聞千萬人聲如風雷之響及明見開元殿閣門堂四十餘間移在湖水之南平地之內其所布列形勢遠近殿閣相去與舊不殊太守上聞請易其名額以旌神異詔旨依舊爲開元觀只改上清閣爲神運閣別命崇修遠近歸心爭捨美利遂加繕葺觀殿鼎新記云所移之地途超二里水越一湖出自神功事資聖感是也

金州洵陽縣望仙觀天會古跡所造極多靈應縣境之人有論訟難理之事公私攘竊之徒但焚香披陳即有響應有隱情誣蔽者即夜有神人詣門喚之遽令對會被喚者見官闕官署在大殿之後別有樓閣

十餘間兩廡下列曹吏鞠勘一如人間官府矣故有匪情狡蠹朋黨姦惡者亦見送於獄中送獄者於此即死對會者但具情狀即復放還由是境內畏威各洗心改過而爲善矣其邑中失走猶犬巨細論訟陳狀於殿壁之上動盈百幅矣至今常然

劉將軍者諱職右神策軍居近東明觀大修第宅於觀內取土築基脫斂計數千車功用既畢劉忽得疾沉綿旬日忽如風狂於其階庭之中攫土穴地指爪流血而終不已骨肉抹救之似稍歇定又須臾匍穴土似有驅迫之者時聞爲物捶擊痛楚之聲但流淚嗚咽而已問之竟無所答且又沉困垂命巫醫殫術略無徵應偶召醫者筮云求道法救之劉素不信道未嘗有道士過其家妻子既切因詣金仙觀請符理之焚符於牀前又焚數道和水飲之劉乃言曰我以無知犯暴道法取東明觀土修築私舍地司已奉天曹罰令運土填賠不知車數計我獨力搬運二三年恐未可足稍或遲怠冥官責責鞭撻極嚴卒無解免之日言訖嗚咽號叫若有所訴一家聞之俱爲嗟痛其妻子就東明太殿上焚香祈乞積貫淨土五千車填送所穿坑處設齋告謝求賜寬赦疾乃稍定一旦又自言曰天符有勅穿掘觀土修築私家雖已賠填尚未塞責有十二年祿命並宜削奪所運累子孫即可原赦是夕遂死余按道科凡故意凌毀大道及福地靈壇殃流三世今劉生以賠填首謝罪止一身得不爲戒乎

蜀州新津縣平蓋化即第十六化也神仙崔孝通得道之所真像存焉化有玉人長一丈見則天下太平

殿左有玉女泉水深三四尺飲之愈疾化之上當山之半有椿木樹徑六七尺居人常聞其下有考楚號叫之聲莫知所以大順元年丁未山下居人何六者性本兇悍不懼罪福因值干戈化中無道流棲止乃毀拆屋宇採伐林木爲樵薪以貨之固有日矣一旦詣山前僧舍中求水漿以救其渴之僧素與相識聞其聲哀切出門視之見其仰面反手如被拘縛喉口喘急流涕於口問其所疾答曰我爲毀平蓋化屋宇斫伐樹木今有黃衣使者追捉繫縛將往椿木樹下地獄中考問去渴之既甚乞少水相救耳以水與之良久徑去死於椿木之下鄉里共所知焉又有人取水泉側古跡雕塑二玉女以爲奇玩傳於人間既無玉女之像泉畔小舍亦被人毀拆近化居人見擒取盜玉女人生魂入化中其人遂瘋癲焉

嘉州開元觀在層岡之上下眺城邑俯視江山二水縈迴衆峰環抱頗爲郡中之勝舊有高閣臨崖崇樓切漢制度宏巧遠近稱之久曠葺修樓已摧壞官收其材用之餘者爲馬廐焉有古制門扉堅朽不蠹亦置於木棧之旁既而夜夜有光炯然可鑒以其爲怪棄而不用及遷於紫極宮元元殿內有小赤蛇蟠綴門楣之上累日不去雖衆人聚觀以物驅斥宛然猶在涉旬之外不知所之爾

錄異記天復十年庚午夏洪州實石於越王山下昭仙觀前有聲如雷光彩五色闊十丈袁吉江洪四州之界皆見光聞聲觀前五色烟霧經月而散有石長七八尺圍三尺餘清碧如玉墮於地上節度相國劉威命昇入昭仙觀內設齋祈謝七日之內石稍小長

三尺又齋數日石長尺餘今只及七八寸留在觀內雲笈七籤翊聖保德眞君傳眞君降授張守眞劍法及結壇之儀守眞拜而受之自爾多有徵驗不能備紀乾德中太宗皇帝方在晉邸頗聞靈應乃遣近侍齋信幣香燭就宮致醮使者齋戒焚香告曰晉王久欲靈異欲備俸緡增修殿宇仍求乞勅賜官名眞君曰吾將來運值太平君宋朝第二主修上清太平宮建十二座堂殿儼三界中星辰自有時日不可容易而言但爲吾啓大王言此宮觀上天已定增建年月也今猶未可使者歸以聞太宗驚異而止開寶九年太祖升遐太宗嗣位尋遣內供奉官王守節起居舍人王龜從就終南山下築宮方卜地於終南鎮眞君忽降言於龜從等曰此地乃修建上帝宮闕之地不可易也於是乃定凡三年宮成中正之位列四大殿前則玉皇通明殿次紫微殿次七元殿次眞君所御殿東廡之外有天蓬九曜東斗天地水三官四殿西廡之外有眞武十二元神西斗天曹四殿又有靈官堂南斗閣並列星宿諸神之像豎鐘經二樓齋道堂室靡不完備建碑以紀其事題曰上清太平宮一如眞君預言之制初宮成眞君忽降言謂王龜從等曰汝奉詔修宮勤則至矣然何爲不開日月華門不畫八小殿壁增堦甃甃亦未嚴備惟求速成以冀恩寵然上天亦不掩爾功亦不放爾罪守節龜從頗切驚異然已奏訖役不及增備惟稽首祈謝及至闕皆獲增秩賜白金千兩既而守節染疾而亡龜從歿於兵刃此乃不掩功不赦罪之戒明矣

欽定古今圖書集成博物彙編神異典

第二百八十三卷目錄

方士部彙考

賓退錄道士

方士部列傳一

漢

黃洞源

張施深

後漢

甘始

東郭延年

冷壽光

王眞

郝孟節

李道冲

李鳳仙

晉

張忠

南齊

顧歡

樓惠明

盧度

杜京產

梁

左雙

陸逸冲

張繹

陳

馬法先

北魏

韋文秀

絳略

吳劭

閻平仙

魯祈

羅崇之

王道眞

鄭修

隋

盧太翼

李播

唐一

薛頤

王慧辯

潘師正

明崇儼

哲法師

孫智諒

尹悆

裴脩然

鄧德誠

鄧延康

賀知章

王希夷

甘泉先生

李煉師

吳筠

司馬退之

蔡天一

蔡如金

郭休

王虛貞

董京威

徐靈府

任尊師

章渠牟

賈龍

田良逸

蔣含弘

歐陽平

俞靈瓚

吳善經

馮惟良

蔡少霞

陶天活

周隱克

神異典第二百八十三卷

方士部彙考

賓退錄

道士

古無道士黃帝內傳雖有道士行禮之文但謂有道之士非今之道士也大霄經云周穆王因尹軌真人制樓觀遂召幽逸之人置爲道士平王東遷洛邑置道士七人漢明帝永平五年置二十一人魏武帝爲九州置壇度三十五人魏文帝詔陳熾法師置道士五十人晉惠帝度四十九故用道士請命

方士部列傳一

漢

黃洞源

按九江府志黃洞源桃源洞人也善道術効治鬼神號三洞法師時有童子躍拍庭以造異境得仙洞源幕之乃行求靈域得紫霄峰下石壇築庵居之又遷茅山其徒蕭冷然忽見柏庭問黃尊師無恙乎歸以語洞源洞源曰吾且去矣翌午遂逝洞今不知處按江西通志洞源建元中入廬山紫霄峰下築庵居

之

張施深

按九江府志張施深隱棲谷中學老子術武帝聞而嘉之詔以其間為康王親隨道士張九真云後據漸經前俯泓淳神龍并珠光照紺髮後兵燬復建宋熙寧中詔以為景德觀

後漢

甘始 東郭延年

按後漢書方術傳甘始東郭延年皆方士也率能行容成御婦人術或飲小便或自倒懸愛膏精氣不極視大言甘始元放延年皆為操所錄問其術而行之凡此數人皆百餘歲及二百歲也漢武帝內傳曰延年字公游曹植辨道論曰甘始者老而有少容自諸術士咸共歸之然始辭繁寡實頗切怪言余嘗辟左右獨與之言問其所行溫言以誘之美辭以導之始語余吾本師姓韓字雅嘗與師於南海作金前後數四投數萬斤金於海又言諸藥時西域胡來獻香鬪腰帶割玉刀時悔不取也又言車師之西國兒生臂背出脾欲其食少而怒行也又言取鯉魚五寸一雙令其一著藥投沸膏中有藥奮尾鼓鰓遊行沉浮有若處淵其一者已熟而可噉余時問言寧可試不言是藥去此踰萬里當出塞始不自行不能得也言不盡於此頗難悉載故粗舉其巨怪者始若遺秦始皇漢武帝則復徐市樂大之徒也

冷壽光

按後漢書華佗傳冷壽光者與華佗同時年可百五十歲行容成公御婦人法嘗屈頸鶴息鬚髮盡白

而色理如三四十時死於江陵

王真 郝孟節

按後漢書方術傳王真郝孟節者皆上黨人也王真年且百歲視之面有光澤似未五十者自云周流登五嶽各山悉能行胎息胎食之方嗽舌下泉咽之不經房室孟節能含棗核不食可至五年十年又能結氣不思身不動搖狀若死人可至百日半年亦有室家為人質謹不妄言似士君子曹操使領諸方士焉漢武帝內傳曰王真字叔經上黨人習閉氣而吞之名曰胎息習嗽舌下泉而咽之名曰胎食真行之斷穀二百餘日肉色光美力並數人抱朴子百胎息者能不以鼻日噓翁如在胎之中

李道冲

按九江府志李道冲潯陽人不茹葷酒傳法錄於異人結庵紫霄峰而講莊老悠語人曰吾欲遠遊且不返衆未悟競沮留之及午而逝

李鳳仙

按衡岳志李鳳仙自幼不語幽棲南岳人問之曰知白守黑道貴昏默

張忠

按晉書本傳張忠字巨和中山人也求嘉之亂隱於泰山恬靜寡慾清虛服氣食芝餌石修導養之法冬則緇袍夏則帶索端拱若尸無琴書之適不修經典勸教但以至道虛無為宗旨其居以崇巖幽谷擊地為窟室弟子亦以窟居去忠六十餘步五日一朝其教以形不以言弟子受業觀形而退立道壇於窟上每旦朝拜之食用瓦器鑿石為釜左右居人饋之衣食一無所受好事少年頗或問以水旱之祥忠曰天不言而四時行焉萬物生焉陰陽之事非窮山野叟所能知之其遺諸外物皆此類也年在期頤而視聽無爽持堅遣使徵之使者至忠沐浴而起謂弟子曰吾餘年無幾不可以逆時主之意浴訖就車及至長安堅賜以冠衣辭曰年朽髮落不堪衣冠請以野服入觀從之及見堅謂之曰先生考槃山林精道素獨善之美有餘兼濟之功未也故遠屈先生將任齊尚父忠曰昔因喪亂避地泰山與鳥獸為侶以全朝夕之命屬堯舜之世思一奉聖顏年衰志謝不堪展効尚父之况非敢竊擬山棲之性情存巖岫乞還餘齒歸死岱宗堅以安車送之行達華山歎曰我東嶽道士沒於西嶽命也奈何行五十里及關而死使者馳驛白之堅遣黃門郎韋華持節策弔祀以太牢褒賜命服諡曰安道先生

顧歡

按南齊書高逸傳歡字景怡吳郡鹽官人也祖趙晉隆安末避亂徙居歡年六七歲畫甲子有備三篇歡析計遂知六甲家貧父使驅田中雀歡作黃雀賦而歸雀食過半父怒欲撻之見賦乃止鄉中有學舍歡貧無以受業於舍後倚聽無遺亡者八歲誦孝經詩論及長篤志好學母年老躬耕誦書夜則然糠自照同郡顧顗之臨縣見而異之遺諸子與遊及孫惠之並受經句歡年二十餘更從豫章雷次宗諮元儒諸義母亡水漿不入口六七日廬於墓次遂隱遁不

仕於剡天台山開館聚徒受業者常近百人歡早孤每讀詩至哀哀父母輒執書慟泣學者由是廢製我篇不復講太祖輔政悅歡風教徵爲揚州主簿遣中使迎歡及踐阼乃至歡稱山谷臣顧歡上表曰臣聞舉網提綱振裘持領綱領既理毛目自張然則道德綱也物勢目也上理其綱則萬機時序下張其目則庶官不曠是以湯武得勢師道則祚延秦項忽道任勢則身戮夫天門開闢自古有之四氣相新絳裘代進今火澤易位三靈改憲天樹明德對時育物搜揚仄陋野無伏賢是以窮谷愚夫敢露偏管謹刪撰老氏獻治綱一卷伏願稽古百王斟酌時用不以芻蕘棄言不以人微廢道則率土之賜也微臣之幸也幸賜一疏則上下交泰雖不求民而民悅不祈天而天應應天悅民則皇基固矣臣志盡幽深無與榮勢自足雲霞不須祿養陛下既遠見尋求敢不盡言言既盡矣請從此退是時員外郎劉思勰亦表陳諫言上詔曰朕夙旦惟寅思弘治道行夢嚴演垂情庫肝食繁懷其勤至矣吳郡顧歡散騎郎劉思勰或至自丘園或越在冗位並能獻書金門薦辭風闕辨章治體有協朕心今出其表外可詳擇所宜以時敷奏歡近已加旒貴思勰可付選銓叙以顯諫言歡東歸上賜應尾素琴末明元年詔徵歡爲太學博士同郡顧黯爲散騎郎黯字長孺有隱操與歡俱不就徵歡晚節服食不與人通每旦出戶山鳥集其掌取食事黃老道解陰陽書爲數術多效驗初元嘉末出都寄住東府忽題柱云三十年二月二十一日因東歸後太初弑逆果是此年月自知將終賦詩言志云精氣因

天行遊魂隨物化尅死日卒於剡山身體柔軟時年六十四還葬舊墓木連理出墓側縣令江山圖表狀世祖詔歡諸子撰歡文議三十卷佛道二家立教既異學者互相非毀歡著夷夏論曰夫辨是與非宜據聖典尋二教之源故兩標經句道經云老子入關之天竺維衛國國王夫人名曰淨妙老子因其晝寢乘日精入淨妙口中後年四月八日夜半時剖左腋而生墮地即行七步於是佛道與焉此出元妙內篇佛經云釋迦成佛有座劫之數出法華無量壽或爲國師道士儒林之宗出瑞應本起歡論之曰五帝三皇莫不有師國師道士無過老莊儒林之宗執出周孔若孔老非佛誰則當之然二經所說如合符契道則佛也佛則道也其聖則符其跡則反或和光以明近或曜靈以示遠道濟天下故無方而不入智周萬物故無物而不爲其入不同其爲必異各成其性不易其事是以端委縉紳諸華之容剪髮曠衣羣夷之服擊鼙磬折侯甸之恭狐蹲狗踞荒流之肅棺殯柳葬中夏之制火焚水沈西戎之俗全形守體繼善之教毀貌易性絕惡之學豈伊同人爰及異物鳥王獸長往往是佛無窮世界聖人代典或昭五典或布三乘在鳥而鳥鳴在獸而獸吼敬華而華言化夷而夷諦耳雖舟車均於致遠而有川陸之節佛道齊乎達化而有夷夏之別若謂其致既均其法可換者而車可涉川舟可行陸乎今以中夏之性效西戎之法既不全同又不全異下育妻孥上廢宗祀嗜欲之物皆以禮伸孝敬之典獨以法屈悖禮犯順會莫之覺弱喪忘歸孰識其舊且理之可貴者道也事之可賤者俗

也捨華效夷義將安取若以道邪道固符合矣若以俗邪俗則大乖矣屢見刻鈔沙門守株道士交諍小大互相彈射或域道以爲兩或混俗以爲一是率異以爲同破同以爲異則乖爭之由淆亂之本也尋聖道雖同而法有左右始乎無端終乎無末泥洹仙化各是一術佛號正真道稱正一一歸無死真會無生在各則反在實則合但無生之教除無死之化切切法可以進謙弱除法可以退夸強佛教文而博道教質而精精非羣人所信博非精人所能佛言華而引道言實而抑抑則明者獨進引則昧者競前佛經繁而顯道經簡而幽幽則妙門難見顯則正路易遵此二法之辨也聖匠無心方圓有體器既殊用教亦異施佛是破惡之方道是興善之術興善則自然爲高破惡則勇猛爲貴佛跡光大宜以化物道跡密微利用爲己優劣之分大略在茲夫躋夷之儀斐羅之辯各出彼俗自相聆解猶蟲鳴鳥語何足述效歡雖同二法而意黨道教宋司徒袁粲託爲道人通公駁之其略曰白日停光恆星隱照誕降之應事在老先似非入關方炳斯瑞又老莊周孔有可存者依日未光懸釋遺法盜牛竊善反以成查檢究源流終異吾黨之爲道耳西域之記佛經之說俗以膝行爲禮不慕躡坐爲恭道以三繞爲虔不尚踞傲爲肅豈專戒土爰亦茲方襄童謁帝膝行而進趙王見周三環而止今佛法在華乘者常安戒善行交蹈者恆通文王造周太伯創吳革化戎夷不因舊俗豈若舟車理無代用佛法垂化或因成革清信之士容衣不改息心之人服貌必變變本從道不遵彼俗教風自殊無患其